

Pappiaranik nalilinnik nioqquteqarneq il.il. pillugit inatsisip, aningaasalersuineramik ingerlataqarneq pillugu inatsisip, aningaasanik atugassaqarnermut isumaqatigiissutit pillugit inatsisip, aningaasaqarnermut siunnersortit pillugit inatsisip, qularnaveeqqusiussaqarluni taarsigassarsineramik ingerlatsisut pillugit inatsisip, realkreditlånit aamma realkreditobligationit il.il. pillugit inatsisip inatsisillu allat, allannguutaat pillugit inatsimmi § 14-ip ilaata Kalaallit Nunaanni atuutilersinneqarnissaat pillugu peqqussut (Aningaaserivimmi kontomik tunngaviusumik peqarsinnaatitaaneq, paasiuminartuunissaanik peqqussummi allannguutit piviusunngortinnerat, ukiumoortumik nalunaarusiat nassiunneqartarnerannut maleruagassat nutarternerat, sillimmasiisarfiit suliffeqarfimmik allamik ingerlatsisinnaanerisa annertusinerat, aningaasanik attartortitsisarfinnit obligationinut il.il. aningaasaliissuteqaqqinnissamut aarlerinaatit pillugit maleruagassat erseqqissaatiginerat kiisalu inissianut attartukkat il.il. pillugit peqqussutip piviusunngortinnera)

UAGUT MARGRETHE AAPPAAT, Guutip saammaassineraqut Danmarkip Dronningia, uppersarsarparput:

Pappiaranik nalilinnik nioqquteqarneq il.il. pillugit inatsisip, aningaasalersuineramik ingerlataqarneq pillugu inatsisip, aningaasanik atugassaqarnermut isumaqatigiissutit pillugit inatsisip, aningaasaqarnermut siunnersortit pillugit inatsisip, qularnaveeqqusiussaqarluni taarsigassarsineramik ingerlatsisut pillugit inatsisip, realkreditlånit aamma realkreditobligationit il.il. pillugit inatsisip inatsisillu allat assigiinngitsut allanngortinneqarnissaat pillugu inatsit nr. 532, 29. april 2015-imeersumi § 17, imm. 2¹, naapertorlugu (Aningaaserivimmi kontomik tunngaviusumik peqarsinnaatitaaneq, paasiuminartuunissaanik peqqussummi allannguutit piviusunngortinnerat, ukiumoortumik nalunaarusiat nassiunneqartarnerannut maleruagassat nutarternerat, sillimmasiisarfiit suliffeqarfimmik allamik ingerlatsisinnaanerisa annertusinerat, aningaasanik attartortitsisarfinnit obligationinut il.il. aningaasaliissuteqaqqinnissamut aarlerinaatit pillugit maleruagassat erseqqissaatiginerat kiisalu inissianut attartukkat il.il. pillugit peqqussutip piviusunngortinnera) aalajangersarneqarpoq:

§ 1

Aningaasaliisartunut aningaasalersuisartunullu qularnaveeqqusiisarnermik aningaasaateqarfik pillugu inatsimmi, kunngip peqqussutaa nr. 137. 9. marts 2005-imeersukkat Kalaallit Nunaannut atuutsinneqalersumi, peqqussut nr. 1048, 1. september 2010-meersukkat, peqqussut nr. 1047, 1. september 2010-meersukkat, inatsit nr. 1556, 21. december 2010-meersukkat, peqqussut nr. 303, 27. marts 2012-imeersukkat, peqqussut nr. 685, 28. juni 2012-imeersukkat, peqqussut [inatsit nr. 1231, 18. december 2012-imeersoq pillugu], peqqussut [inatsit nr. 403, 28. april 2014-imeersoq pillugu] aamma peqqussut [inatsit nr. 334, 31. marts 2015-imeersoq pillugu], allanngortinneqartumi, tulliuttunik allannguisoqassaaq:

¹Aalajangersagaq imatut oqaasertarpoq: »Imm. 1. Inatsit Savalimmiunut aamma Kalaallit Nunaannut atuutinngilaq, taamaattoq tak. imm. 2 aamma 3. Imm. 2. §§ 1, 2, 4, 5, 7, 8, 12, 14 aamma 15 kunngip peqqussutaatigut Savalimmiunut aamma Kalaallit Nunaannut atuuttussanngortinneqarsinnaapput, Savalimmiuni aamma Kalaallit Nunaanni pissutsit pisariaqartitaannik allannguutitalerlugit. Imm. 3. (ilaassanngilaq).«

1. § 3, imm. 1, nr. 4, imatut oqaasertalerneqassaaq:

»4) Aningaasanik attartortitsisarfiit, piginneqatigiiffiit aningaasaliissuteqartartut, piginneqatigiiffiit aningaasaliissuteqartartut immikkoortoqarfii kiisalu allatut aningaasaliissuteqarnermut aningaasaateqarfinnik ingerlatsisut, nunami Kalaallit Nunaata avataaniittumi imaluunniit nunami EU-p avataaniittumi angerlarsimaffeqartut, nunat EU-p aningaasaqarnikkut isumaqatigiissuteqarfigisai aamma aningaasaqarnermik suliaqarneq pillugu inatsimmi, kunngip peqqussutaatigut Kalaallit Nunaannut atuutsinneqalersumi Kalaallit Nunaannut § 30, imm. 1 malillugu isumaqatigiissuteqarsimasut pinnagit, nunami immikkoortoqarfiup angerlarsimaffigisaani aningaasaliisut aningaasalersuisullu matussusigaanerat aningaasaliisunut aningaasalersuisunullu inatsit manna malillugu matussusiineq assignngippagu.«

§ 2

Peqqussut 1. august 2019-imi atuutilissaaq.